

四書約說

四書約說序

四○子○之○書○昔○人○有○取○一○二○語○而○滿○用○
之○終○身○不○盡○者○有○取○一○部○而○半○用○之○
以○定○天○下○以○致○太○平○者○何○至○今○日○童○
習○家○傳○乃○謂○驅○經○術○而○學○究○也○自○余○

就傳受讀。卽知有紫陽。有註疏。有大
全。又有蒙引。存疑諸說。然於聖諦賢
註。槩乎無窺也。抵掌別頰。取足希世。
卻車充棟。何關於書。至慧黠者。則又
抗意隴西之鬼。襄陽之顛。陽羨之幻。

黎丘之妖。而鄒魯一脉。岌岌乎欲墜。
於地。吾友孫興公。靈挺弇山。學窮宿
海。旣從頌讀。論古人之世。亦以羔鴈。
作傳心之符。海內嘗奉其敝帚爲寶。
藏矣。其所著四書一帙。余讀所爲說。

短標厯綴數言。長衍不踰尺幅。可謂
約矣。而奧義微言。意中之藏。若挾旁
引曲鬯。言外之旨。全提剔前人之眼
屑。開後雋之心。花卽紫陽諸公。引爲
嫡系。推爲功臣。何有於硯北工揣摩。

者○昔○世○尊○說○法○華○三○經○耆○宿○翻○譯○未○
有○得○其○三○昧○數○百○年○後○智○者○始○悟○性○
具○三○千○從○龍○樹○中○論○拈○出○空○假○中○三○
觀○自○成○一○家○言○遂○爲○台○家○圓○頓○無○上○
妙○宗○惟○興○公○之○於○四○子○書○亦○云○然○天○

台○疏○經○題○五○字○便○成○廿○卷○而○興○公○說○
主○於○約○蓋○人○爲○法○華○轉○不○唱○揚○之○則○
玄○義○不○析○人○滯○於○四○書○語○言○文○字○之○
下○不○直○指○之○則○葛○藤○不○掃○當○台○宗○初○
倡○時○楞○嚴○未○入○東○土○應○化○聖○僧○已○預○

證其懸合。約說一書。余不敢俟之後。
而前質之孔曾孟。無不合也。流傳海
內。盡驅學究。而經術之可預證也。嘗
觀世出世間奇男子。小汎洄瀾。大排
崑嶽。未有不透叅於聖賢正法眼者。

而聖賢正法眼。原卽在單詞庸語。引
而伸之。其出無窮。興公作牧。則昇政
。嬖恭考工。則巧思過。垂而以一令長
。制傳翼之虎。一尚書郎射高墉之隼。
余中外共事。而心折之。莫測其際。乃

今而知古人滿用一語半用一部致
足不朽况究其全而能反之約乎知
其說者之於天下也旦莫遇之

安成友弟王績燦書

四書約說序言

四書約說者孫興公清室之所著也。與公生孔孟之鄉。志聖賢之志。而剛腸勁骨。篤於天授。定識堅慮。本之學力。考其約說。可謂極深研密。析理無

間之內。豎脊茶肝。透脉註脚之外。宜。其。脩。以。飾。羔。雉。拾。青。紫。而。精。以。立。性。命。酬。國。恩。也。邇。者。中。常。侍。出。典。錢。穀。口。啣。天。憲。士。大。夫。身。斯。任。者。不。得。不。相。關。白。或。感。額。仰。息。或。賦。芋。希。光。興。

公獨廷爭面折。一罔所阿。朝臣共股。
慄。將。席。而。興。公。顧。神。色。恬。然。弗。少。挫。
蓋。大。節。莫。奪。塞。于。天。地。其。體。認。有。素。
故。見。義。必。爲。萬。人。吾。往。初。非。意。氣。所。
激。始。盈。終。折。者。夫。自。昔。司。馬。遷。班。固。

揚雄之流。不恥屈辱。有所論著。蓋皆以文采不見於後世。故忍死爲之。然於經傳靡補。且忿而有言語多偏至。惟文王演周易於羗里。深詳吉凶悔吝之原。孔子脩春秋於陳蔡。特嚴亂

臣賊子之防。此忠孝大義。長不朽於
千百億世。與公約說意。固將闡澤聖
諦。用期不負所學。

今上日月遐矚。幽微悉洞。寸雲何繇掩
大清。雖暫見聲色。而若急若緩。默默

天地之仁興公行且如鳳鳴朝陽如
鳳翔霄際無前偉豎率從經傳中挹
取不盡所願讀者得其痛爲羔雉拾
青紫得其精立性命酬國恩則約說
匪僅同於文采而興公之意爲不孤

耳興公之學淵矣。予惡乎知。乃心欽
興公之能用其學也。敢序一言。弁其
首。夫鄒魯固多賢者哉。

吉水李邦華譔

看書摘訓

看書入手先宜逐字訓詁的確乃於通章諷咏語氣其法以實字觀義理虛字審精神假如學而章學字時字習字悅字乃實字也只須精研求解而字之字不亦字乎字乃虛字也雖字義處處盡同而先後措置口氣稍別精神遂迥異矣凡書實字未易遽盡而之乎者也已焉哉等要無多字故看書須每日晨起盥起春梁注定日精將通章本文默讀潛思務論世途志言言能返證於自己事事可實按之目前忘言

以解。而又不決裂其文辭。研幾以入。而又不增設乎
意見。乃爲明了。如其未明。固不得一刻放下。第另看
後章。有此處不明。而他處忽相觸發者。有今日不明。
而他日再看。乃能釋然者。又有今日雖覺已明。而他
日反以爲不明。更求別解者。總之學以靜專而相通。
心以積疑而起悟。乃舉一反三。引伸觸類之善法也。
若刻定張數。不去千思萬想。止將講說本頭記下。釋
卷茫然。于我何與。又若好爲穿鑿。故立意見。及以禪
宗出世話。說入聖賢經世之旨。勉強附會於書。何與。

去此二弊而後可以語看書也。然胸中學識空踈，雖想亦不能入。則師友開導又爲度心之鍼矣。

凡聽講，須將所講書先期看過，實有憤悱之意。然後聽受，有基講時，又須將所見盡情撇開，不閑語不他顧，不雜想，不昏沉，攝心聽受。歷歷分明，講完不得羣聚浪談，以亂思緒。卽宜退居默想，再理前言，務要所講於本書體貼相安，方可信從。若有未安，不妨另豎疑義，反覆辯難。蓋聖賢意旨皆從身心所實踐者爲言，必身至其地方能洞曉射覆者，偶或億中而未必。

爲發覆之人也。然發覆之人又豈遠求。是卽吾能思
索之心耳。思索之心有能通不能通。得人以啓之。斯
力省功倍。非謂不必思索而可以人之通爲我之通
也。每見今人看書。信人太過。雖盲師迂說。腐爛穿鑿
亦必聽受。畧不反之自心。試卽本文一想。則平日所
聞師說及所見講義。或安或否。必有耿耿於中。而不
能自己者。故互相參駁以求其安。蓋信聖賢之本旨。
而還以信自己之心也。然而人各師心。樊然淆亂。安
所取衷。則又自有真面目。惟不離本文者爲是耳。

五經周禮乃文字之祖。凡理學政事必本于此。方有根據。夫子好古敏求。要不外六經爲刪述。則以此印証。正爲同氣之求。非若他書時君孔孟之後學。非嫡派之傳。而不可混入者也。至如先儒語錄乃六經鼓吹。理學淵藪。讀四書五經或以渾成難入。習熟生翫。而語錄則辭旨敷暢。耳目忽新。如陽明見地卓然。尤機鋒之最捷者。學者日不視五經等書。無論胸中酸俗之氣難以掃除。看書時亦且學昧尋源。識孤借證。必無相資相長之益。夫外更有出世奇書。學者必當

經眼。而心祖者恐難驟入。姑且置而弗論也。

學者多同習聞。不能取大有如按所論看書方法。以求經書本旨。則誦誦之餘。必有豁然開而挈我心於天日之表。惕然驚而暴我心於雷電之下。快然自得。而置我心於光風霽月之間。入理深則得趣。轉勝所見大則向慕。非凡將聖賢面日漸親。而市俗機緣。自日厭矣。卽風習已深。未易遽破。而把卷時。既能開眼。逐躬處。寧不刺心。第驗之誦讀。自知非謬。非口舌所能道者也。

讀書惟取鍊心最忌入俗如競尚於冠履言談耗志於圖碁博塞皆俗趣也卽挾策呻吟莫非道聽塗說必無實得要須一切掃除屏居靜室按前諸法伏讀沉思昧爽以起日晏不遑遊居寢處於其中焉其人能得讀書之味者不必叩其胸中所學而舉止言笑自一見可知蓋其氣象不粘帶乎俗態也然而心不欲雜雜則神蕩而不收心不欲勞勞則神疲而不入在用功過勤者心力旣疲未見得手便瀆於誦讀之餘捲書閣筆明窓淨几萬慮俱捐悠然獨坐或支頤

而對。英氣於西。山或緩步而看。生機於花鳥。或遺情以若失。或領趣以欲狂。一日之間。量皆片刻於此。而默坐寧心。尤爲要義。使此心常如魚在水。如鶴在空。悠悠洋洋。活活潑潑。方能心曠而聞。見可以互融神恬。而思慮可以深入。是誠天下之至樂。亦卽讀書之至訣也。繇此而心境日清理。路日近。覺聖賢言語。皆吾心性中所自有。而漸漸可體之當身。所云豁然惕然。快然之景象。必有時露吾前而不可遏者。又寧止作誦讀觀而已哉。

四書約說弁言

余思說書之難也欲易言之說書之深也欲顯言之
夫探幽索玄馳驚紛迷而未有極而要領未現徒成
其支離焉耳余政在難與深之中乎不能爲易言爲
顯言不得已思約言之約患不該不該安得爲約約
或不明不明益不得爲說誠有問道者于此曰此徑
可迴逆又曰彼路可旁達倘亦有現前明明在易在
邇者是乎則約之說也余問道蹊徑間二十年偶一
有窺方謂指南或在是而經文早已明明現前矣始

知踏破鐵鞋正非工夫第實字尋意虛字索解有無
上下之間會神按脉各本章本句諷咏玩味覺指點
開示不啻詳晰其長篇全文自吸自應逗洩既盡卽
單節單句字意位置前後語氣鋪叙側落人眼正自
了了是以或意盡于本句或肯見于開口或神注于
轉關或影現于支意餘波互發于上下別章總皆經
文所已明已備而不必他求者若意見猶存疑悟未
動試取本文句字換替更置故擬經言謬爲比勘有
不宿惑臆說邈見支解自相醜詆輾轉不敢出諸口

而本來面目已恍恍通出矣非思通鬼神正經燦日月則有說已贅况凌濂溪迫乎哉故從紫陽以見經從諸名說以見紫陽因流會原卽明得光總斲以經說經力省功倍不至支離多端有碍于聖賢辭意明白洞達者而已耳謂約說將以說約是亦相與于難與深而未有已矣

崇禎六年癸酉暮春有莘孫肇興識

大學約說

大學之道章

通章只明明德三字盡之修齊治平皆明明德事格致誠正政所以明明德者內知止脩身正關鍵樞紐處總以明明德于天下新民止至善不待言矣

大學者該上下內外以爲學明是自天子以至庶人自格致以至治平道猶言途徑正吸三在字意明明德等各要見如何學如何大便是字明德乃本體

仍曰明者本體外不加毫末正是止字故下第加一
于字耳親字更好看止字意非真能萬物一體必不
能親民必不能止善下厚薄蓋親字註脚也學寧有
止足處止照至善取象直見大學正非馳騁所爲盡
定靜安慮于一知握本末終始于先後縮格致誠正
脩齊治平于一欲納治亂厚薄于一身已全括了
知止直是知到止處定靜安慮得一齊俱有有字能
字皆知中學力定靜等皆止字真象並好看定靜等
皆格物中事而誠正以及治平各有定靜等在

說多謂知止未便是得如格物未便到治平且經文
各目而后又曰知所先後何得無次第但知止第知
到靜處何謂知止格物第格到知處何謂格物且到
靜處將丟却定到知處將丟却格是兩截不是先後
了故知止直至能得到能得而知未嘗一念懈格物
直至天下平至天下平而格物未嘗一息間方爲止
于方是學故本末終始正一貫之說以先言者推所
重以后言者推所由未嘗非一貫也非言次第也
本末等卽本以該末要終以見始兩有字見物事所

固有不學以自盡者知便是道曰近蓋就知時說能知則無非道矣故知先則無見小知後則無欲速知所則本末終始種種俱在了

曰古者非舉以証學正揭以明道明德遍下各有先物格迺去各有后獨格物換一在字正首三在點睛處天下換一平字正見止之真的明之真象然第可謂明明德于天下終不可謂天下無不明其明德猶病之禮樂道未見之心俱見之矣是以曰止于至善而非謂至善遂有止也

古人視家國天下直是身心意知故各曰其親字明
字愈現了齊治等各照明明德各有學字止字在身
乃運吾心意知以交于家國天下者格訓窮至底是
所謂十件寧可一件未知不可一件有絲毫未到正
好看知止處

致知在格物所謂一以貫之若以格物爲致知則多
學而識之者矣

豈是者猶言自齊以至治平也爲本者本在而未自
舉耳

本亂而末治者否正所謂皆以修身爲本其所厚者
薄等正所謂意是皆以修身爲本自天子以至于庶
人何得一人不學一日不學耶

克明德章

文湯堯正所謂明明德于天下者周公以訓康叔伊
尹以訓太甲史臣以贊堯總是明明德故曰皆括明
德天下于一身故曰自卽自成自道之自玩也字正
不于各上句外求皆自明了

各克字顧字皆着力處正好看學字在字意

盛銘章

各句俱有用字在日新作新維新俱是無所不用玩
是故二字自見

要拈出其極故是傳釋體裁非証之也若以無所不
用責成君子明是三王有所不用了

苟字何等奮發日日何等綿密又日何等提醒用極
已逼真寫出作及新命無所不用益了了矣

邦畿章

五引詩正將止于至善本領作用說得明白詳盡故

是釋非証併在字亦活現了

敬字大關鍵卽經中定靜安慮精神處敬止恂慄本
章取重與知止緝熙追學等字固好看止字得力處
那畿儼然至善樣子千里正自天子以至于庶人無
不在至善中者惟民所止直是無人不能止而爲知
爲敬爲學修等固不容已矣

止于丘隅便是於止知其所止故夫子卽鳥特爲拈
出不但是責成直是指點可以不如正令其猛省處
穆穆止之象緝熙敬止正常明常敬而無不安厥止

所謂止于至善者仁敬等皆至善爲固所以止之緝熙敬俱在故各曰止于不曰仁止等人者見至善不越當體正所謂惟民民字及可以人人字也

文所處君臣等正難故特拈出所以剔發止至善者精矣

武公爲學老至不倦正好看止而弗止之象故且引且釋切磬等正弗肯自止意恂慄正所謂敬威儀正敬之形外者盛德至善直是盛德到至善處止正在此民不忘正見明中有新方爲明德止至善也終者

已直是沒世不忘了

無一念少踈曰惡無一念少間曰偏故惴惴卽文之
緝熙其敬也

前王不忘非沒世不忘前王也親賢等各著其字正
是說前王賢足賢親足親等君子小人正固于親賢
等中國非說君子小人沒世不忘是民不忘此以沒
世仍是前王不忘矣

周末親賢樂利安在然布在方策其賢等正自宛然
卽今夫子爲東周能別有作爲否四其字正不誣也

聽訟節

無訟民便新了使無訟正是新民不得盡正無訟大畏正使處要發明明德意非明明德不能新民故爲知本

上文敬止下文慎獨便是畏字註腳天子庶人共此一止共成一獨故曰大畏非徒畏之深也是以爲本字

知本章

本末之物與格物之物只是一物知本則誠正修齊

等俱在故曰此謂知至乃可謂知本了

誠其意章

通章只一毋自欺各句句要認意字致知後之意正
自有動必覺了了本念故欺直是欺自毋者精神學
力俱在如惡等是毋字非剔發毋字也慊對下厭然
自慊正是意誠獨乃獨知爲誠意關頭慎正所以好
處白慎者見此關一差無處着力故字必字直是毋
自欺內已早有慎獨在

閒居等非罵小人收幻寫一段當慎形象與下十手

十日一樣無所不至正獨中積欺厭然正好看不憚
在不善憚便在善了檢著仍是自欺如見者并檢著
而見之須要拈監字所謂小人枉自爲小人奈之何
不毋自欺也誠于中與有諸中不同蓋厭然視已正
意中真不容欺處而形可知君子安得不慎

獨知當慎上已說盡嚴則慎之至矣蓋此意一動如
形如至如潤身正自瞞人不得何啻十日十手反照
說話無干

心廣等正見誠意關切身心處故慎獨以誠意必不

容已了。

潤身要說到修齊治平俱在此反照前無所不至故曰王道本于誠意又曰慎獨可以行王道

脩身章

有所便不正不正便不在故忿懣等皆是累心視聽等皆能累身愈見不可不正不可不脩意蓋誠意已盡正心工夫故正心脩身只將身心相關處對看一番而脩正已在此矣

既有所便有在如何却說不在蓋在忿懣等便不在

孟子不見等有所時固如此所謂仰面貪看鳥回頭錯應人也

齊家章

各句句是身不脩句句是不能齊家故曰此謂執我便落有所因物方能致知是以好不知惡惡不知美惡字中已有蓋之則未有不辟者故曰天下鮮甚之字意并吸末不可字了

正心前患其有所正心後患其有之非致知不能盡杜故本章知字四見兩拈人字正欲自致知耳

治國章

通章只不出家而成教于國精神處正在誠求所謂
壹是皆以修身爲本故孝弟慈而又曰仁讓曰帥曰
好曰恕皆于心拈身于身拈教宜家人等無非會到
身上而誠求意俱在弟知君子二字則修齊治一以
貫之矣

家如何不可教明乎身不脩無可以教家卽下求不
誠藏不恕意君子固脩身齊家治國者不出正好骨
在字盡家外無國齊外無教以成教非教成教成則在

國成教則在家不出家而成教則在修身以齊家也
孝弟等本之心而修身者正是不出家所以直實
說成教處非虛言一理也

誠卽誠意之誠誠求卽致知中卽保之勝裏刺入處
未有正見必中總是卽保赤子以証慈卽慈以証孝
弟註謂推廣是也

仁讓卽孝弟慈之藹然秩然處貪戾正仁讓之反興
字作字皆有不容強不容已意正機字故曰如此機
固在身心不在家國故曰其定國者定固治之象也

系言
帥天下要入睦九族及底豫意既言仁又言恕恕卽所以仁旣言從又言喻喻卽所以從旣言帥又言求言非求非皆帥中事也

不曰先曰在在正機之說藏之義也其家人各其字正與其機其令其好相應直是說身而心在其中了各宜字足法字各有仁讓及孝弟慈在

平天下章

老老等是平天下實事要其道只一絜矩絜矩只一好惡好惡不過理財用人故三言得失一以民心見

好惡一以主德見理財一以君心敬肆見用人一步
緊一步通結通轉變幻詳盡而終以理財用人反覆
關紐內慎德二字仁人忠信正在此尤爲緊矩本根
處故曰德者本也

通章論政事而不及感化論君身利害而不及天下
平及中有國者並得國此謂國等正所謂平天下在
治其國者

前誠意卽領出好惡至齊家之知惡知美治國之所
令友好此乃曰所好所惡不啻推廣及覆要皆致知

內所格之物而上下人財等俱在物格直格至治平
是以爲明明德于天下也

各老老等內直有好惡與同意理財用人俱在民如
何便與孝正見同心處矩正指心之同者卽平之象
絜便有許多運量在故又曰道

人心本不間于己故曰是以有己心能不間于人故
曰此之謂

舉上下等以標矩絜一惡以示絜立象盡意逼真化
工矣

媚疾之放流聚歛之不有到底在惡邊着力

好惡各曰所明是矩守好之惡之正是絜直有真實作用在曰民之父母則得衆可知至爲天下修則失衆不足言矣

慎卽慎德慎字而在好惡上着力不愼便不能絜矩未有不至于辟者修愈見不可不愼意

德卽明德是好惡之源而矩所從出者先愼卽知先之先人上財用俱在故皆曰此有見非德不能有本末意已在此更見人士等不能無得失惟德能有之

耳下民散悖出及後非其財意並拈出了

外內字煞甚痛切直是不知所先而公然弗慎者卽此是爭卽此是悖卽此是不善

惟命卽明命其命等善卽至善之善兩則字見得失總未可據不啻危懼意正好看慎德真種子

楚晉二書見賢賢親親意忽插入仁親亦見老老眡
昭處

引泰誓直是畫出一個可好可惡樣子若有與尚亦有俱迫望意斷斷休休總是技能形迹俱化無他技

足斷斷如有容足休休正見一个臣爲平天下所必
須者

放流正所惡惡之先說能愛正惡以全愛繫中愈了
了矣

何以見何以不能正不仁處拂人則不仁甚矣蓄身
則不第子孫等不能保了

不曰繫矩曰大道正是理財用人種種好惡各有條
理故曰道在天下爲大道在心爲忠信故大道非忠
信不得

恕藏。可想。忠誠。求。可想。信。卽。前。老。老。等。各有。忠。信。在。生。財。便。非。聚。財。大。道。卽。上。大。道。恒。足。直。是。上。下。充。盈。則。字。矣。字。直。有。不。必。外。本。內。未。意。

仁者卽忠信以得大道者發身正生財足具瞻在此天命在此未有等正足發身意仁義該財在內府庫句是無恃入恃出而財固未嘗不有已明說利非利義爲利了

寧有直足不忍處正好看仁字意至善無如何正見小人必不可有了

不說到利不爲利不足塞小人之口不說到善無如
何不足奪善小人者之心原始要終層層剔發總要
去小人以絕却務財根株而發身大道直不出此正
个紮矩平天下竄關係處

義利二字大學以此終篇孟子以此開始學術治道
所以至今無壞

大學約說終

中庸約說

興公孫肇興著

天命章

通章不出天命二字人得天命爲性而天地萬物皆在其中故曰能盡其性則能盡人物參天地是以不睹聞卽天之無弊臭隱微卽天之化育喜怒哀樂卽天之川流不已等天有中和我亦有中和天自位育我固能位之育之也總無加於天命而已矣

三謂字煞有關係所謂剖而言之蓋誤認性道等工

約說

入中庸

一

夫作用一切俱無用處了

天命與天之命不同。註訓猶令最是。直是維皇賦予原有責成在所爲中和位育。非伊人任而戒懼慎獨。自不容已矣。然天命命以何物。天有降衷。人有受衷。正未發之中。其所不覩不聞是也。

人生而靜以上。只可名爲理。不可名爲性。所謂維天之命是也。天命謂性。直是就人指出。是以不言。心言性。便不落形器。不墮空寂。內外有無之見。一切俱化

了

率性二字須連讀蓋稱性而出意若在事體上周旋
便是率事若在意識上作用便是率意直須率性乃
是道

修道直有盡人盡物作用不第區區修明蓋聖人以
人物爲性道人物未盡亦是性命有虧故知道如何
修便可知教

道固原于天率于性修于教只讀得道也者三字重
不可離意已自恍然若脫却道字不可離愈說愈不
透矣不可正與不能離不當離大異直是了不得使

不得說話。蓋離之則不覩不聞。失大本達道。壞天地萬物。並不位不育也。或問曰：得之則治，失之則亂，得之矣，是以無人無戒懼，但非其所不覩，所不聞耳。所不覩，所不聞者，天命是也。仁者只戒懼得仁，知者只戒懼得智。百姓只戒懼得日用飲食。孔子五十而知天命，在天命上戒懼，方是各其所方。是湏臾不離道。若非戒懼，則不睹聞爲墮空。若非不睹聞，則戒懼爲有所。

見顯二字，往直說做灼知真見了見顯者，實實昭著。

如一念方萌就此爲睹聞爲喜怒哀樂爲流通於天地萬物故曰見顯然到見顯時反覺索然惟此蘊蘊隆隆較見顯更有生意有長望故又曰莫此念一差將性命盡壞而喜怒哀樂皆不中節崩恣天札無不馴至何等怕人蓋隱微獨也莫見莫顯則不可不慎是以有故之說也

不使須臾有間故須戒懼不使毫釐有差故須慎獨喜怒哀樂正好會天下字如無天下喜甚怒甚且喜怒哀樂四字特出在上直是將天命都指在人身上了其

無人無喜怒哀等既見須臾不離而喜則天下和怒則
暴亂畏位育實用畢出于此矣

未發時也不必皆中之未發乃直指天命之元中者
正是渾然在中生意滿腔意不然如何包括得許多
中節又何以曰天下之大本節卽中字中者正是恰
好意皆字最圓滿皆中尚不得爲和平

二也者照上道也者體會但問中和從何得名大本
達道已了矣

每苦喜怒哀節極難安頓又似支節那知正通章樞紐

精彩處非聖賢文字不能

致訓推極蓋滿其分量處實有裁成輔相真作用却
已是位天地育萬物了是以下但曰天地位焉萬物
育焉

喜怒哀樂無日不流通于天地萬物自天子以至庶
人隨其分量所及家國天下無不具有位育故謂必
聖人在天子之位此未能致中和者也

君子中庸章

中庸反中庸難辨只以君子小人辨之正統防微意

然有關係

君子中庸又曰君子之中庸惟君子中庸則中庸遂爲君子有矣小人反中庸乃亦曰小人之中庸也蓋小人直能竊中庸微反之說小人且將勝君子微無忌憚之說君子幾無以自別于小人矣

纔說君子便是能戒慎的便已時時是中故曰而時中蓋君子本分事也時中無忌憚止爭毫釐君子脫盡情識天命用事小人正才識勝耳

中庸其至節

至直在共由無弊上說透下能字若仍說無過不及豈不是中庸其中庸矣乎

只則鮮能之小人則反之也

不行章

正示以行明真訣蓋知病就是藥知不行由不明而道已行矣知不明由不行而道已明矣

不行是賢不肖誰知是知愚不明是知愚誰知是賢不肖兩曰我知道直是人鮮能知了

拈飲食非喻言亦非硬作道字特就莫不二字翻醒

鮮能使人不至覲面自失則所以示之知者至矣

道其不行節

不行正不在道曰其更好看無限責成低徊意

大智章

舜包智智不能包舜故舜字三見大智字一見大智
固舜中事也

問察人或能之好問好察正聖心心入不容已處非
舜不能邇言與恒言不同直是言近指遠正照中字
說隱則所全者甚大揚則不啻譽了所謂或彰明其

事或顯用其人也兩端的是兩字非不一說話蓋隱揚後儘自可用但凡涉過不及者爲一端而中自爲一端故曰兩端人都執一不能執兩舜却提衡在握而中道出焉正是他惟精惟一處

用賢人君子之中猶易用愚人愚婦之中甚難舜惟真丹在手點鐵成金故在民爲通言在舜爲玄德矣舜下不須補大智意不自用所以爲舜也若謂合天下以成舜舜寧有待於天下乎舜所以受隻千古也

予知章

予知
去冬了

病○正○在○予○知○二○字○曰○予○便○不○是○用○其○中○于○民○了○是○以○
上○智○人○不○肯○爲○下○愚○人○不○能○爲○獨○一○等○小○智○自○雄○人○
便○墮○此○坑○塹○皆○摸○等○正○不○能○擇○的○樣○子○見○離○却○中○庸○
都○是○皆○摸○等○了○直○恁○悚○凜○

延○而○進○之○曰○納○爭○先○而○赴○曰○驅○氣○好○看○予○智○光○景○釋○
不○能○守○正○爲○予○知○驅○入○于○隱○怪○知○所○以○不○能○守○則○擇○
斯○真○矣○

回之爲人章

擇○是○擇○中○得○是○得○善○善○正○中○之○元○體○中○有○可○擇○善○無○

可擇故也一照下句乃快辭不作至一之一蓋至一意在善字內已有了

拳拳敬也非敬不能無失服膺直有依字意

舜執兩所以惟精而惟一得一所所以能擇而能守

天下國家章

三者不必說到恰好處若到恰好便是中庸依舊不可能了不可能是妙非難謂絕人之聰明才智至此都用不着則賢智亦可少返矣蓋曰難能人便硬求能曰不可能人須要在戒慎恐懼上去正好看聖賢

苦心妙用處自引人非阻人也

問強章

問強與問勇不同強字正有學問本領在南方三句不是詰問亦不是聽其自擇蓋曰抑而則已爲子路擇之矣

居之但是托足於此未嘗認以爲強至強者居之則君子併不居也蓋南北之強是南北便非強故下以故字領之仍以君子別之

強須從心體人微處用力四不字俱有定識定守正

非易易曰矯者狀其強也正印合抑而意若謂矯其
易偏似與南北有合然在不字內已有了

不流乃可爲和正非大學力不能中立便是不倚何
必又說不倚直是不倚中立固所謂夫焉有所倚也
寒卽本章閑字變寒只是有炫耀意雖非富貴移人
亦是聰明不固凡人降伏所有最難況及時行道有
過露不容已者至死不變卽遯世不見知而不悔也

索隱章

通章只發明依中庸二字絕與自叙無干

弗爲正是斷隱慳非道不是說吾爲有在弗能已直
是認得道字道乃至中至庸天命人性俱在弟患弗
能遵耳遵白浸浸不容已依與不悔意並已盡出

依則直與中庸爲一依中庸正是闇然自修故曰遜
世不知非止無迷悔與慍有辨慍者非人悔者忘已
正從名根來益知索隱及半塗等都緣名上誤了
不見知只不悔而已老子曰知我者希則我貴便多
一層意思

聖者直是贊君子爲聖人能之正人人可能意曰唯

正高標其名目爲隱怪作榜樣耳若難其事將母驅
遵道者爲隱怪乎

費隱章

費如費用之費直是一往不返如此夫婦不必借爲
彼夫婦勿作大字看大正包在費字中費無可見故
不窮是以口而隱直是皆顯著皆精蘊意隱正不必
索也

曰夫婦曰聖人口天地總是形容費字見道不盡於
聖人天地非謂天地聖人不能盡道且夫婦等俱指

其明白易見者察字意已有了之愚之不肖乃就中指其愚不肖者非謂夫婦皆愚不肖也聖人獨非夫婦乎可以字與字正見道主張乎人非干人事也至字照費字不是精言若精言則聖人無不知能矣憾直是有遺恨如有待於聖人之參贊是也怨望意無干夫婦等已盡莫載莫破意是以用故字不必另尋大小也語大小而曰君子謂非君子不能自語也止是形容語不能盡意蓋凡有包乎道者可載人乎道者可破而道尚有包之人之者乎

上下察不執定爲魚亦不推出爲魚所謂瓦礫泥沙
並存真性以言乎天地之間也未卽曰察乎天地故
通章夫婦等是影子爲魚飛躍是影子並語大小及
詩言亦影中影子真个妙極形容

末節直作結語不必另尋體道蓋依中庸意在君子
二字內已有了所謂若是乎君子之道造端乎夫婦
及其至也察乎天地如此哉不另添一語逼真費外
無隱却夫婦外無費直令索隱者廢然返了

對至始有造對察始有端察乎天地原非天地之察

所以造端之外別無察天地也故曰及其更好會大
小合一莫載莫破意

道不遠人章

通章以人字爲骨以忠恕爲脉以不遠爲主入眼自
覺了了

道是子臣弟友之理人卽子臣弟友之身故道不遠
人所謂道在當身直是高遠之遠不是遠近說話蓋
欲人在己身上體認下忠恕等俱有了若是遠近直
說道不離人不更密乎爲道遠人及以人治人各人

字俱指當體說止直是不遠所謂不求加于人也正不遠人爲道意

人身上有道子事父等是也人心上有道忠恕是也忠恕便是道因遠字乃加遠字耳人道無過一忠恕忠恕只在一反已道何嘗遠人不願勿施正形容不遠意卽所謂以人治人改而止也與橫逆意無干子臣等正實指道之在人併見不願勿施實可用力處

以人治人是治人之則在已所求未能是治已之則

紉言 中庸
在人言顧行行顧言是言行還自爲則總是形容不
遠人意

庸德之行等猶言唯庸德之是行庸言之是謹耳斷
不馳騫于遠人者勉與不敢盡皆是行謹中之精神
正好看願字若行矣而猶待勉謹矣而猶待不敢盡
行與謹豈半上落下者乎況兩不敢直是凜惕意正
不遠真景象君子胡不直是責成語正所謂遠人不
可以爲道也

素其位章

通章只君子素其位而下一句

君子正所謂能正已者反求卽所以正已處素者直是不染意位爲遷乘唯君子爲能素之故曰素其位必能素方能行故曰而行是以視位爲傳舍是解脫之私卽履位有執着亦氣質之強又須勘外字破然後認位字清故當三聘而堅樂道卽堯舜亦外也若作一正一反則不願句竟可削矣

旣曰素其位又直曰素富貴去其字何也是君子若固有之若將終身境地正好看入字居字意各行字

有不
何方是
聖賢李
問

欲妙
小字

俱有學問作用在自得直是得自蓋一切偶值俱取
爲本體脩証於上卽素位而行于下卽正己反求也
上下總是位不陵不援及正己無求總是行素又曰
無怨又曰天曰人層層剝換層層鋪陳總是指點無
入不自得意

居正從入字下得曰居直是心身俱定意曰行則不
安其所矣君子何必無險能居則雖險亦易小人何
必無易惟行則雖易亦險故居易行險各二字運用
是以俟命則人事回天亦命也微倖則命所當得亦

伴矣要易字與夷字不同直是有君子天下無足爲
我難者更不待言了

須如君子居易方喚做俟命不然直是諉命棄命了
年來易險都忘却始信羊腸路亦平升高不知險竟
作粘壁枯盡出君子小人榜樣

曰似射元不足擬君子曰有似射又不能件件似君
子蓋射有失君子自得也此正極口形容君子處
貧賤等皆失之境不陵等皆恐失之心借失之途尋
得之真故曰無入而不自得非射惡能似之乎

行遠章

直是渾淪說個道字中和以致位育夫婦以察天地
總是日用外別無神化遠邇高卑固是借來影子故
各曰譬如若認真行登意便癡了玩君子句自見不
然明曰君子之道如何竟作君子之進道乎且進道
意在君子內已有了詩及聖言似單照卑邇不及高
遠正謂位育參贊直在合妻子翁兄弟順父母中本
領作用完全俱有遠邇高卑之名不立可也故行登
必自之說亦譬如焉而已矣

鬼神章

通章顯言誠而于鬼神發其蘊所以句句贊鬼神正
句句贊誠

曰鬼神便是功用之爲德直於用處指體卽末於不
可掩而曰誠誠卽德也總于不見不聞處得力纔見
德之盛非言功用之盛也

鬼神若無何以視之聽之鬼神若有何以弗見弗聞
故弗見聞非無可見無可聞也正是真精細縉處明
畫出一德字並下誠字俱在體非先有物而後體亦

非有體之者而後有物直是皆物皆鬼神故曰體若遺則併無物矣故不可

矣說箇使天下之人誰使之也上面有一箇弗見弗聞下面又說一箇洋洋如在使字已活現出

齊明盛服可見鬼神不遺處曰在上曰在左右直是形容盛處不是或在上或在左右說話在者是有可觀聽如則仍弗見聞了所以爲德盛正好看體物不可遺直在視弗見聽弗聞中矣

不可度卽弗見聞及各如字正是說德故格字不專

指祭正見神無處不至也

玩夫字及如此夫直是咏嘆語非雅原語蓋微之顯誠之不掩上已說盡了誠不專在人心然承祭以下尤是人人俱有人人覺得把鬼神至微至渺竟指得活活逼現故是中庸不然將不爲索隱行怪者借口乎

就鬼神指出誠字便無幻非真若以鬼神論誠則真亦成幻是以至誠如神質諸鬼神而無疑固皆實理實事也至謂天命謂性戒懼等皆鬼神體物蓋不誣

矣

大孝章

通章以大孝二字盡之享保及祿位等皆天子中事
天子正受命事受命正大德事德爲聖人大德也舍
大孝又安所得聖人哉篇中四故字六必字通與通
應鑒鑒不爽舜孝所以弗可及也

不得乎親不可以爲人不順乎親不可以爲子令孝
不足格親何有于親之先後故舜非以德福成孝而
直以孝兼德福也孝所以大也

聖人等各句句要關大孝意方不類武王處

既以大孝領聖德又復以大德總之何也孝庸德大德正大孝也故大德直指舜說與末大德一樣

各必得所謂先天而天弗違也直是我爲主天爲用玩各其字正祿位等不可必其祿其位等直在舜身上說固可必也則裁之說也

四必得明乎篤厚申重稠疊無已意

篤非天篤直是物能承受所以爲發明必得不是論天道說話

材便有遺迹意。照上大德。裁便有承載意。照下受字。
受字。要看直是德足承天。非天能授之也。所以爲大
德。無不必得也。聖人非教人徼福。而大孝亦人于自
致。四處各以德領之。不然是關人以倖端耳。

知奇湏說在。邇言問察上方。是君子中庸。孝平湏說
到格天受命處。方是中庸君子。

以孝蓋前人。何難。格天故其孝曰大。以孝述前人。只
是盡人故其孝曰達。

通章只以德字爲主無憂正在德上看出王季世德作求武王以德受命及以孝祀先以孝治天下皆德也其須周公成處正是能述正是武王之德文王所以無憂也

前奉其所作無一毫紛更後善其所述無一毫誇大方是各以字及爲字方是中庸不然第無所事事又何以父王季而子武王乎周世德相傳故不曰業曰緒繼正述字不但述文王並述王季太王及下上祀等正所以述文王也戎衣等各句句要入述字意身

者正見不待久乃論定意曰不失曰顯名武王心事亦苦矣更好看述字

戎衣等正是受命處見天意所在曰未更見無利天下意是以周公成德非成其志也成正竟其未竟意直是說武非說周向非未受何待周公成之卽追王上祀達諸侯等且不足爲德不足爲述安在續緒而文王固憂甚矣

達孝章

通章王張俱在孝字蓋孝乃達字本領非孝其何以

達故曰其曰矣乎直是以孝治天下卽下繼述兩善
字及各其字皆孝中意若輩因善字遂認爲達權說
話豈非顧子失母故通章夫孝者及孝之至孝字復
兩見而達字樂未有也

不曰先人而曰人曰先人則其人已死矣已人矣卽
此便是不孝曰人所以事死如事生事亡如事存也
識得人字全章精神便已打通是以有志有事方着
得繼述二字當日之志事安在故非至孝不能

脩祖廟等何啻故事只領得春秋二字所謂履雨露

休惕霜露悽愴直覺祖廟等件件生動欲已而不容已矣孝字達字直已過現

宗廟之禮昭穆已序故曰所以序若另求序字何啻說夢各所以俱若此廟中者境內之象序昭穆則字內父子定辨貴賤則字內尊卑齊辨賢等則字內賢否上下長幼已無不截然各得正好看治字正是達處要非孝不能

春秋皆用敬處宗廟皆用愛處而位禮樂固在其中矣各其字正好看繼述字自其無加日至自其無減

曰達惟至故能達

上皆是祀先突出事上帝者何所謂仁人之事親也
如事天事天如事親故曰孝之至而達亦從可知矣
事帝祀先而治天下作用已全備于此是明禋經濟
滾作一團所謂其達孝孝與治固相將以行明卽昭
明之明非知禘之知第玩示字明字自見而達孝益
了了矣

問政章

通章不得草草讀過須得段段迴環精神纔見夫子

夫子所
以教也

東周手段

總人存政舉一語盡之故章內脩身獨許所以脩身
曰仁所以盡人曰義曰禮體之爲五達道爲二達德
措之爲九經爲言行事道其要不過明善誠身其功
不過學問等然又處處有誠字是以曰以仁又兩曰
行之者一而後復揭曰誠身蓋天德王道一以貫之
者也

政至周大備拈文武者直是睹方策如見其人意
最妙在兩其字人是文武之人政便是文武之政夫

文武安在哉逼真精神形世不足隔故直曰存仁非
曰有無耳

人道入之道也果能此道則必明必強故曰人道敏
政明強正所以敏之也敏則行行則舉樹者如移而
裁之不得作種字看正謂文武之政移而行之今日
無不敏也前兩其字意亦併現出

爲政已有君身在版與用不同直是真精感召意以
身正能脩之身道與仁俱有了

曰脩道以仁又曰仁者入也人字直是存字身字人

道皆在此謂仁爲生意或不易見謂仁者人也且謂人爲存者乎爲亡者乎全章精神俱已逼現親正人所自出大者于上該脩道于下包知人知天等若義禮總以成吾仁而脩吾身故尊賢以輔仁而等殺皆天然秩叙所發見者又明指出下文天字了各要認不可以不四字若脩身等俱已道過其知天者義之盡禮之至而直契于乾元之仁者也明是知人事親修身一以貫之矣

言君臣等不言親義有物必有則也正好會人外無

道而脩身必以道也

兩達字直是道達千九經君民親友等德達于道明
是行字意若人人具足說語在道德字內已有了
所以行之者一不是合三五於一乃是三與五俱有
一在蓋非一併不得爲道與德也故曰所以

各或字及字俱就知之成功時說須渾成快活乃是
蓋各知行同各知之行之同各或字又同明是知之
成功一了是以各日及其

各近字俱就用功時說若到究竟直是知之成功之

一丁

好字等俱有一字意及上知行俱要顧政字不得似講學說話

五所以字俱有功夫然都在知斯三者中有了

脩身等各有一箇一在故末又曰所以行之者一

脩身等各有一段恰好不可那動處故曰經各句句

要關天下等要點照文武意

各則字俱有不期而至意正好會敏字政中無非道
道立直是人存政舉了不惑得于啓沃不眩更有不

以小謀大下消上意曰報禮可知體中有禮財用者財以致用惟百工可以盡其利正非歛民以足國也齊明卽首章戒懼不動卽首章慎獨故爲所以脩身而以德行道與擇善固執皆脩身之事也

復揭曰所以行之者一正是九經已各有一在此特拈出言之耳

前定卽豫也人心非一不定非素養吾一不可謂前定豫卽下擇執兼盡而誠在是矣曰言曰行又曰事道直歷歷指點出凡事意不跲等皆立之象也

在下亦凡事一端舉以証爲政者各不獲不信等與上不獲友不信不同直責成在身上了

善直是繼之者善正誠之元體明直有行在故明善卽誠身又曰擇善而固執

誠者天道直在人身上指出誠之者人道直是指天道于人身所以說天道處句句要是人說人道處句句要合天若判然兩分何以皆曰誠皆曰道乎

誠者一段要一氣緊讀猶言誠者固不思而得不勉而中從容中道之聖人也豈非大道乎方是者也字

神脉擇善固執要說得快活玩而字便見所謂識得真種子更無餘事方及得兩者字方見人道卽天道意

博審等固是明善要各有誠字意所謂求誠以誠正所謂所以行之者一也篤字更好看誠字意各要照政字各要直截了當于上似天道于下似明強方是擇善用學問等而固執只一篤行便了所以誠身在明善也

有弗學等如云有弗戰戰必勝意直是杳迅無阻難

約說

入中庸

三

模樣正好看果字明強字

一十千自不是執定是孟狀弗措景象明是果字了
果卽是誠明強已在此故曰必雖者直是人無愚柔
若謂哀公爲愚柔是何等說話况學困利勉原都是
好名目又何得斥言之也

自誠明章

直與或生而知之節局勢語脉一類

誠明明誠俱就現成說且中間原不隔一字則所謂
性教固從其自名之也註訓由字最是若作自其之

自則性教到底分了何以又曰誠則明明則誠乎非從真心起照非于照內尋真語無側落而性教合一了了矣

能盡章

至誠而係以天下則人物天地皆誠中事也爲能字絕有本領有作用蓋至誠直是天命流行物與無妄能盡正盡人盡物參天地皆在此若一件缺陷仍尤性有未滿如何言盡且經文明曰盡其性非曰盡己性若已性便分人物天地而二之其性則人物天地

皆在也

各則字俱入誠字

要看盡人物之性不是盡人物說話性正在元氣流行上說故天地亦曰化育蓋亦天地之性也天地之性本盡非同人物故不曰能盡而曰可以贊贊者助也所謂至誠做得天地做不得參者並立爲三正是少他不得兩可字正是無一毫欠缺處

致曲章

曲卽誠之端倪致者知皆擴而充之也曲無不致則

竹井竹
細
公

至誠矣誠形以下句句要說他至誠末只一語申言之耳

致如養其未形而形養其未著而著明動變化皆在此故曰致若有一未到可云致乎

不曰致曲能誠曰曲能有誠蓋曲卽是誠完具一真全體真力量所以曰達德達道曰及其知之成功之一若曲無可致卽致亦不到至誠地位蓋其次固自有至誠也

各則字俱入誠字通形者自無而入有化者自有而

還無不但動變化並形著明亦化矣末句直謂非天下之至誠其孰能與於此若謂至誠能化其次亦能化豈形著後尚得指爲其次乎

至誠前知章

通節直湏于誠上尋源不必向知上理會

至誠前知者也乃是道可以知非知以事也如禎祥等何以有耆龜何以見四體何以動皆鬼神所爲以兆其禍福者鬼神司之爲禍福至誠知之爲善不善必先正非知之于將至也是以據禎祥等以知則數

或奪于理據善惡以知則理或窮于數至誠正道可
以知道者何也曰誠也所謂先天而天弗違也兩先
字正有幹旋作用在如射在弩機上覩得自在弩機
上着力乃得施其造化補救之手故曰如神直是鬼
神不能自主也

至誠明是人不言人而言道最妙言人則至誠造位
非聖人不能言道卽愚夫愚婦當一私不着便是至
誠便可前知故曰旁觀者清當局者迷蓋旁觀則成
敗禍福澄然無我若當局之心一如旁觀則亦無有

不知者矣。是以前知最幻。說道則最確。前知最奇。說
可以則最平。術不必事而禎祥等不啻燭照人定勝
天。而禍福等惟我自爲矣。是以爲中庸。

九年之水不能禍堯。七年之旱不能禍湯。正可爲如
神樣子。

禍福字直換作善不善見。爲禍福便是。後應在前。知
時第可以善不善言。不可以禍福言。正唯人轉移焉
耳。若以善惡言反淺了。

自成章

成已成物總以自成自道所以不可已矣

三誠者俱是由誠之而誠者自道意已有了是以下俱說自成再不惹自道一語

曰誠者直是唯天下至誠地位而盡性參贊形著動變皆在此則成已成物性之德合外內之道俱已全現

自與已字不同猶言參兩天地是自成其爲參兩之人把自成說得重自道意便自了然

物之終始直就人身上說見已外無物也不是造化

系言 二
所以終始萬物說話玩不字可見無物者如我無參
兩之真心則天地亦非我有意爲貴者直是自然以
終始乎物而我亦得以自成矣

第看所以成物便見物之終始第看物之終始便見
所以成物互觀已了矣是以不曰始終曰終始明
是盡出一个成字不曰成物曰所以成物明是道破
一个宜字故成物直是使物各得其宜則時措之宜
原在成已中已有了故曰非自成已

誠之復爲仁誠之通爲知識之可據曰德誠之可由

曰道性字正指出天道意。此章本領精神處尤須着
眼。

成已明是知何以曰仁成物明是仁何以曰知更好
看。合外內意不曰無曰合不曰內外曰外內直是收
成物于成已中所以爲自成自道也。

仁知等連用數也字是快詞亦是贊詞明乎人道亦
天道非但剔出時措之故也。

無息章

通章只至誠無息一句盡之。中間語意各各相對蓋

至誠天地總此一誠是以不見而章不動而變無爲而成蓋天地至誠共之矣

成已成物誠中功用何嘗有息故領以故字而通章本體作用已全打通誠何謂至正不二不雜依然維天之命者也下不二字純字於穆不已字俱已逼現無息者直是復載成物時一真天機偕行不斷非空空說個誠無息也久徵等都在此各句第指出言之各則字俱入誠字悠遠等直是實實及物覆載成俱有了所以猶言此所以覆載成而非此不足與也總

是極形容至誠意

上從久說到博厚高明此又就博厚高明說出悠久
可見博厚高明總一至誠流貫其中配者合而有助
直是天地待我以位無疆正無息而配併不足言矣
配天等章變成已在而總從至誠中流出故自不見
不動無爲也

章者誠之不可掩也變者誠能動物也成者誠則無
事也

曰天地便二了如何可一言盡惟曰之道直已盡之

失如陰陽動靜說話是天地不是之道了

道字暗指不貳直是至誠誠字

貳不作二字看二是數目貳者直是不純一之意如
人心不誠謂之貳心貳卽妄也爲物之爲卽未節爲
天之爲一真爲主纖妄不參有妄對則貳矣惟不貳
則其生乎物也一真相繼孰從而測識之非是廣大
不可測正所謂一故神也生物仍在不貳上發根故
曰則其不測卽至誠之不見不動無爲也
焉也等句句要得不貳意在天地施成功化處說不

在形體上故仍曰天地之道

一昭昭而極高明者都在這裏故曰之多又曰及其正好會不貳不測意

覆焉載焉又各焉字明是一誠默運而天地絕無煩作爲正所謂不見而章不動而變無爲而成也

首云至誠無息及爲物不二是天命不已文王純德已明說過引詩無更深一層意

至誠之高明等皆顯也而不息則久正誠之所以爲純

純是純個甚的正天命不已是上二比已合言之故
純亦不已單在聖人身上說

不已要括盡通章本領作用方是結體

凡說至誠句句要天地說天地句句要至誠方見贊
至誠神脉

聖人章

通章直是聖道不越德性第能盡尊性工夫而大道
疑上行矣正要說得直截了當方好

道曰聖人明乎待人而行何以專屬聖人便令人疑

道工夫自不容已了

發如發皆中節之發若認爲發榮不惟與育字重疊且所爲洋洋充滿者何物只如三千三百若非依性所作則優優充足者又何物也故是聖人疑且行處行卽位育經制也待其人所以爲聖道

德不至道仍散之天地萬物等故不疑可見聖道從德性來而尊正所以至之

德又曰性者直指出天地萬物之主宰禮儀威儀之統宗廣大等皆德性也致盡等皆問學也以致盡等

爲問學正。非口耳故。尊德性而道問學。則工夫亦本體。若道問學以尊德性。則本體亦工夫矣。

居上等。正是君子凝且行處。不驕直是經綸意。不倍直是憲章意。兩足字。正至道凝于至德。吾性中有具足者。曰言興而實事更可知也。曰默容以身藏天下。非以天下藏吾身更可知也。

保身要說到關係處。其身從修凝來。直是聖人之人了。爲天地立心。爲萬物立命。爲三千三百立極。上下治亂有一未當。竟何賴于世。故明哲是誠明境界。保

身是時措妙用正不得易言之也

自用章

通章一氣遞下精神警策只在天子二字自用自專
皆不安于今者也惟聖人在天子之位方可制作所
以今天下所用猶然文武之制是以有位無德與有
德無位均不敢作孔子亦惟從周爲兢兢耳直是爲
下不倍榜樣

天子者舉位而德時皆在議等正作字同者正用字
從字俱有了亦不敢作明是重德意是以開口從愚

說起夏去今更遠可說而不可學殷即可學宋已非
殷存已非用舍周何適哉

一部中庸只君子時中一句爲下不倍始不爲小人
之無忌憚矣

王天下章

通章只括身字爲主

有直是爲我有三重故在非知天知人何以能有故
本諸身而後三者重不然人直以空文視之併不得
以重名也

竊過正是寡民。迴精神俱在上句故曰其曰矣乎若
謂自寡在有二里內已有了

曰有三重明是重德何以拈出上下二段見位時且
不可無而況德乎正是剔發有字精警處

既曰三重又復換一道字正見三重扶君子以行併
三重亦是精意了本諸身明是個有字徵諸庶民故
非不信不從者天地三王鬼神後聖悉備一身故曰
考曰建曰質與侯上下幽明無非的實切近可據猶
之徵諸民尚何穆悖等非知天知人之君子誰能有

此玩兩也字是指出非推原是以世道世法世則而遠近且有或不望或厭之者乎幽明今古渾是一本融微渾是一重流注了所以法則等字字要拈着重字意

不曰庶民徵而曰徵庶民不曰天下法則而曰爲天下法則句句不走漏有字故是其寡過非過寡也卽不曰天下譽君子而曰君子早有譽亦此意

若曰世道等便碍上焉者世爲道正是有字不磨處所以聖賢文字直是一絲不走

不如此而有譽則早矣此句直是鄭重之詞猶言君子那有不如此正是還顧上有字

祖述章

通章直是天地似仲尼非仲尼似天地

特出仲尼二字明是書出一個大德敦化是以堯舜文武天時水土總供其用所以爲集大成所以爲天地之大不然一心爲祖述復一心爲憲章爲上律下繫卽仲尼亦不勝破碎支離之象又何以爲大乎

祖述等直是堯舜文武天時水土自仲尼出是流字

各各自仲尼出是川流字故取象於覆幬持載取象
于錯行代明直于並育並行中指出大德敦化所以
爲小德川流蓋不化則不流不敦則化有盡天地之
大于茲可見而仲尼不待言了直是句句說天地句
句要關仲尼若補出便二之矣

非徒不成仲尼之祖非章不成仲尼之憲律則我自
爲上襲則我自爲下載曰持擬其力之大覆曰幬擬
其量之虛不錯則行有碍不代則明有窮並育並行
正是不害不悖了

妙在流更妙在川所謂順不厭動不亂也非大德敦化何以有此

至聖章

天下至聖正是具有天德者至聖而係以天下直是爲華夷主而敬信悅及莫不尊親意俱有了

容執敬別總是臨字要說得像至聖不似沾沾察察等寬裕等直是有聖心而四德自全備耳

各足字有字要認正所謂溥博如天淵泉如淵者也爲能正所謂時出而時出之者直是出之裕如仍是

足字有字意如只在臨與容執敬別上說則索然矣
是以溥博等正就上拈出而如天如淵只是証足形
容語氣故敬信悅要在見言行上發中國蠻貊要在
洋溢施及上發方是出字方不走有字足字神脉配
者合而有助舟車等直是莫罄形容意若逐句遞求
則癡矣

經綸章

至誠何以有全能天能也至誠何以爲天能誠者天
之道也大經大木化育皆從誠出至誠又何事焉故

曰夫焉有所倚

各句俱有無倚意是謂爲能若有倚則非能矣

曰至誠足矣何又曰仁形之也形之以仁不盡故曰
肫形之以肫不盡曰肫肫淵淵等莫不皆然直是名
狀莫罄意非推原語氣若推原豈爲能尚有未盡乎
聰明聖知天德也固聰明聖知直是一個至誠要知
此節只是說至誠不可知正是無倚意若說人不能
知至誠何啻千里

尚綱章

通章只闡然二字盡之日章正所以爲闡然處

開口急出一惡字正學問大精神大得力處炫耀意
念直須惡字抹殺張皇作用直須惡字降伏所以不
見不言等直至薦恭無非此意故又曰無惡於志小
人的然正不知用惡者也

惡文便索然勸戒平治豈伊人任惡文之著便闡然
一腔宥密具足聖神功化了

惡文之著正是闡然日章是以用故字指出闡不足
盡惡字紆摯奮盈處故又曰然

不厭文理所謂章也而皆自淡簡溫得之猶言君子之道何嘗非不厭等而要皆淡而不厭也正是說闇然非說日章意

人知遠不能知近人卽知近不能知遠之近君子直是本體功化融成一片故人見遠君子直見爲近非謂遠由于近也風自亦然又曰微之顯者近自皆微也微處卽是顯處而遠風益不得岐言之矣知至此故闇德已無不入了故曰可與若謂至此方入豈遠近風自外別有本領作用而所謂不厭文理者又何

物也

各引詩曰潛曰室曰無言曰不顯俱是反復咏嘆開
然意而淺深次第固自不亂若謂一步深一步則入
德中尚有缺陷乎

志而是惡著之志不疚便不可及惟字正有日章俱
于此會意不言等非無言無動無賞無怒也直是模
寫他無限韜藏鬱勃真光景總所謂闇然也篤恭更
好會闇然意平天下則的然天下平則闇然矣非無
聲無臭惡足模惡著之真精蘊乎

末也直要說篤恭妙處而聲色當化意自見
中庸以天命起頭以天載歸宿主矣固以天擬聖而
惟聖合天益不待言了

中庸約說終